

Broj: 04-01-266-03/10
Mostar, 14.04.2010. godine

Na osnovu člana 29. i člana 41. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), kao i člana 31. stava (2) i člana 37. stava (4) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 83. i člana 91. stava (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 23. Opštih uslova za isporuku električne energije („Službene novine Federacije BiH“ broj 35/08, 81/08), a postupajući po Žalbi/prigovoru na Elektroenergetsku saglasnost broj 202-659/10 od 21.01.2010. godine, koja je direktno dostavljena FERK-u 02.03.2010. godine pod brojem 04-01-266/10, podnosioca žalbe Nezire Ahmetpahić iz Goražda, Regulatorna komisija za električnu energiju u Federaciji Bosne i Hercegovine-FERK je, na VI. redovnoj sjednici održanoj u Mostaru dana 14.04.2010. godine, donijela

RJEŠENJE

1. Odbija se žalba/prigovor Nezire Ahmetpahić iz Goražda podnijeta protiv Elektroenergetske saglasnosti broj 202-659/10 od 21.01.2010. godine koju je izdala JP Elektroprivreda BiH d.d. - Sarajevo, Podružnica „Elektrodistribucija“ Sarajevo, kao neosnovana.
2. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

U skladu sa članom 41. Zakona o električnoj energiji, proizvođač, odnosno kvalifikovani kupac električne energije kojem je odbijen pristup mreži ili je nezadovoljan uslovima za pristup, može podnijeti žalbu/prigovor FERK-u, što je propisano i članom 83. Pravilnika o javnim raspravama i rješavanju zahtjeva i žalbi FERK-a, kao i članom 23. Opštih uslova za isporuku električne energije. Članom 91. stavom (2) Pravilnika o javnim raspravama i rješavanju zahtjeva i žalbi FERK-a propisano je da se na sva pitanja koja se odnose na postupke pred FERK-om, a koja nisu propisana ovim pravilnikom ili posebnim pravilima i propisima FERK-a, primjenjuju na odgovarajući način pravila odnosnih zakona ako to priroda stvari dozvoljava i kada je to u skladu sa nadležnostima i ovlaštenjima FERK-a. Na osnovu navedenog, podnosilac žalbe Nezira Ahmetpahić iz Goražda je 02.03.2010. godine direktno FERK-u uputila žalbu/prigovor protiv Elektroenergetske saglasnosti, primljenu u FERK pod brojem 04-01-266/10 pri čemu ista nije navela broj elektroenergetske saglasnosti. Uz navedenu žalbu/prigovor podnosilac žalbe nije priložio nikakvu dokumentaciju.

Navedena žalba/prigovor se odnosi na iznos prvog dijela jednokratne naknade za priključenje/povećanje priključne snage koji je određen u elektroenergetskoj saglasnosti.

U žalbi je navedeno da je objekat tokom rata potpuno uništen i otac Nezire Ahmetspahić je isti kupio nakon rata i poklonio joj ga prije više od šest godina. Podnosilac žalbe navodi da spada u red socijalno ugroženih lica jer ne ostvaruje nikakva mjesečna primanja, te nije u mogućnosti platiti bilo kakvu naknadu za priključenje koja je određena u elektroenergetskoj saglasnosti. Također, smatra da ne treba plaćati ponovno priključenje objekta na distributivnu mrežu, jer se ne radi o novoizgrađenom već o obnovljenom objektu, a isti je prije rata bio priključen na distributivnu mrežu.

Povodom primljene žalbe/prigovora, FERK je 17.03.2010. godine pod brojem 04- 01-266-01/10 uputio dopis–Žalba/prigovor Nezire Ahmetspahić na Elektroenergetsku saglasnost, JP Elektroprivredi BiH d.d.-Sarajevo, Podružnici „Elektrodistribucija“ Sarajevo. Navedenim dopisom je zatraženo od iste da u skladu sa članom 91. stavom (2) Pravilnika o javnim raspravama i rješavanju zahtjeva i žalbi FERK-a po predmetnoj žalbi/prigovoru postupi u smislu ispitivanja da li je ista dopuštena, blagovremena i izjavljena od ovlaštenog lica, kao i da ocijeni opravdanost iste, a u skladu sa pozitivnim zakonskim propisima, te sve bez odlaganja, a najkasnije u roku od osam dana od dana prijema tog dopisa. Navedeno javno preduzeće je upućeno i da ukoliko žalbu/prigovor ne uvaži kao opravdanu, da je u istom roku dužno žalbu/prigovor sa cjelokupnim spisom predmeta dostaviti FERK-u na dalji postupak. Istovremeno je skrenuta pažnja da izdate Elektroenergetske saglasnosti trebaju biti izrađene u skladu sa članom 22. stavom (5) Opštih uslova za isporuku električne energije („Službene novine Federacije BiH“ broj 35/08, 81/08), kojim je propisano da je o svojoj odluci po zahtjevu za izdavanje prethodne, odnosno elektroenergetske saglasnosti, distributer dužan u pisanom obliku, bez odlaganja obavijestiti podnosioca zahtjeva, obrazložiti razloge donošenja iste, uz obavezno navođenje pouke o pravu na žalbu/prigovor, o čemu je potrebno osigurati dokaz o urednoj dostavi.

U vezi s navedenim, FERK je 26.03.2010. godine pod brojem 04-01-266-02/10 primio dopis od JP Elektroprivrede BiH d.d.- Sarajevo, Podružnice „Elektrodistribucija“ Sarajevo, u kojem je ista navela da je žalba/prigovor dopuštena, blagovremena i podnesena od ovlaštenog lica. Dalje je navela da je predmetnu žalbu/prigovor ocijenila neosnovanom i neopravdanom iz razloga što uvidom u bazu prijeratnih kupaca, nije pronađen dokaz o postojanju prijeratnog priključka na ime Nezire Ahmetspahić ili njenog oca Alije Ahmetspahić, pa je iz tog razloga zahtjev za izdavanje elektroenergetske saglasnosti tretiran kao zahtjev novog krajnjeg kupca Navedeno je da je nakon obrade zahtjeva dana 01.02.2010. godine izdata elektroenergetska saglasnost broj 202-659/10 i Obračun broj 202-659/10 prvog dijela jednokratne naknade za priključenje na niskonaponsku mrežu u iznosu od 1.095,82 KM, a što je u skladu sa Odlukom o utvrđivanju jediničnih naknada za priključenje krajnjih kupaca broj NO-23-12430.8.1./09 od 28.05.2009. godine. Podružnica „Elektrodistribucija“ Sarajevo dalje naglašava da sanacija priključaka prijeratnih kupaca za objekte koji su u poslijeratnom periodu procesom kupoprodaje promijenili vlasnike podrazumijeva da novi krajnji kupac plaća puni iznos jednokratne naknade za priključenje, a isto je propisano članom 5. stavom (4) Uputstva o primjeni akata JP Elektroprivreda BiH d.d. - Sarajevo donesenih na osnovu Opštih uslova za isporuku električne energije broj: U-01-23537/09-68/21a) od 06.10.2009. godine.

Navedeno je i da kako Podružnica „Elektrodistribucija“ Sarajevo nije uvažila navode iz žalbe/prigovora Nezire Ahmetpahić u roku od osam dana od dana prijema iste, te da dostavlja sve spise koji se odnose na predmet FERK-u na postupanje. Uz svoj dopis je ista dostavila kopije:

- zahtjev za elektroenergetsku saglasnost za krajnjeg kupca od 21.01.2010. godine,
- elektroenergetska saglasnost broj 202-659/10 od 21.01.2010. godine,
- obračun broj 202-659/10,
- uplatnica za obradu zahtjeva od 21.01.2010. godine,
- kopija katastarskog plana,
- potvrda o kvalitetu izvedenosti električnih instalacija od 18.01.2010. godine,
- ugovor o priključenju na distributivnu mrežu broj 202-659/10,
- kopija lične karte.

Na osnovu navedenog, FERK je utvrdio slijedeće:

Prilikom ocijene navoda iz žalbe koji se odnose na nemogućnost plaćanja naknade zbog lošeg imovnog stanja i navoda da se ne radi o novoizgrađenom već o obnovljenom objektu koji je prije rata bio priključen na distributivnu mrežu, FERK je utvrdio da su isti neosnovani.

Naime podnosilac žalbe navodi da spada u red socijalno ugroženih lica, jer ne ostvaruje nikakva mjesečna primanja, te nije u mogućnosti platiti bilo kakvu naknadu za priključenje koja je određena u elektroenergetskoj saglasnosti. U vezi s navedenim, ostajući u okviru svoje nadležnosti propisane Zakonom o električnoj energiji („Službene novine Federacije BiH“ broj 41/02, 24/05, 38/05 i 61/09), FERK nema ovlaštenja da krajnje kupce oslobodi obaveze plaćanja naknade za priključenje koji je određen u elektroenergetskoj saglasnosti. Svoja prava koja bi eventualno imala po osnovu socijalne ugroženosti podnosilac žalbe može ostvariti putem drugih organa

Podnosilac žalbe dalje navodi kako je njen otac kupio objekat nakon rata i poklonio joj ga prije više od šest godina, te smatra kako ne treba plaćati ponovno priključenje na distributivnu mrežu jer se ne radi o novoizgrađenom već o obnovljenom objektu, a isti je prije rata bio priključen na distributivnu mrežu. U vezi s navedenim, a kako je i sam podnosilac žalbe priznao da je objekat kupljen nakon rata, utvrđeno je da sanacija priključaka prijeratnih krajnjih kupaca za objekte koji su u poslijeratnom periodu procesom kupoprodaje promijenili vlasnike podrazumijeva da novi krajnji kupac plaća puni iznos jednokratne naknade za priključenje. Navedeno je propisano članom 5. stavom (4) Uputstva o primjeni akata JP Elektroprivreda BiH d.d.- Sarajevo donesenih na osnovu Opštih uslova za isporuku električne energije broj: U-01-23537/09-68/21a) od 06.10.2009. godine i u skladu je sa Memorandumom o razumjevanju i saradnji na elektrifikaciji lokacija/objekata realizovanog povratka broj 01-50-2141-5/08 od 03.06.2008. godine, potpisanog između Elektroprivrednih društava, nadležnih ministarstava i Fonda za povratak BiH, uz prisustvo OHR-a; OSCE-a, UNHCR-a kao svjedoka.

Imajući u vidu sve naprijed navedeno, FERK je zaključio da je JP Elektroprivreda BiH d.d.-Sarajevo, Podružnica „Elektrodistribucija“ Sarajevo u Elektroenergetskoj saglasnosti broj 202-659/10 od 21.01.2010. godine, tehničke i ostale uslove priključenja na elektrodistributivnu mrežu objekta podnosioca žalbe, te prvi dio jednokratne naknade za priključenje/povećanje priključne snage odredila pravilno i osnovano na važećim propisima, a to su Opšti uslovi za isporuku električne energije („Službene novine Federacije BiH“ broj 35/08, 81/08), Pravilnik o priključcima JP Elektroprivrede BiH d.d.-Sarajevo, Pravilnik o mjernom mjestu za krajnjeg kupca, Odluka o utvrđivanju jediničnih iznosa naknada za priključenje krajnjih kupaca/proizvođača na distributivnu mrežu (cjenovnik), te Cjenovnik usluga i drugi akti JP Elektroprivrede BiH d.d.-Sarajevo.

S obzirom da je FERK kao drugostepeni organ utvrdio da je Elektroenergetska saglasnost broj 202-659/10 od 21.01.2010. godine pravilna i na važećim propisima zasnovana, a slijedom toga žalba/prigovor neosnovana, FERK je odlučio odbiti žalbu/prigovor Nezire Ahmetpahić iz Goražda uloženu protiv Elektroenergetske saglasnosti broj 202-659/10 od 21.01.2010. godine

POUKA O PRAVNOM LIJEKU:

Protiv ovog rješenja podnosilac žalbe može tužbom pokrenuti upravni spor kod Kantonalnog/Županijskog suda u Sarajevu u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod nadležnog suda ili bilo kojeg drugog suda.

PREDSJEDNIK FERK-a
Zdenko Šimunović s.r.